



SCHOOLREGLEMENTEN AKKOORD MARIS STELLA VSBO

Ku e dokumentu aki, nos ke pone mayornan na altura di algun regla di skol ora di inskripshon ofisial di alumno .

Tantu alumno komo mayor mester firma e dokumentu aki!

1. Unifòrm mester ta na òrdu

Poloshirt

- Ta pèrmití bin skol solamente ku poloshirt ku emblema di skol.
- No ta pèrmití hinka e poloshirt den e jeans.
- No ta pèrmití dobla manga di poloshirt.

Gym t-shirt i sportbroek

- Ta pèrmití hasi gym solamente den t-shirt ku emblema di skol i sportbroek ku emblema di skol. Uniform di gym mester ta desente.
- Mester bisti e unifòrm di gym solamente bou di lès di gym. No ta pèrmití usa esaki na lugá di e unifòrm di skol.

Jeans

- No ta pèrmití bin skol ku jeans ku dekorashon, sticker i/òf buraku.
- Mester bisti jeans te na sintura i wanta esaki ku faha. (karson NO mag baha)
- No ta pèrmití bisti jeans kòrtiku (3/4) of short.
- No ta pèrmití mara pia di jeans ku p.e. feter di kèts i/òf sapatu.
- Ta estriktamente prohibí pa bin skol ku karson “stretch”/ legging/ jeggings.

Sapatu

- Ta pèrmití bin skol solamente ku kèts i/òf sapatu será dilanti i patras.
- No ta pèrmití bin skol ku sandalia i/òf slòf.

Uniform di “praklijklessen” – lès di práktika den kushina/ restaurant/ salon

- Durante lès di práktika, alumno mester tin unifòrm kompleto bisti
- Unifòrm di práktika mester ta na òrdu, limpi, strika, kologá na “hanger”
- Alumno ta bini skol den unifòrm di skol, i ta kambia bisti unifòrm di práktika den “kleedkamer” na skol
- Alumno no mag kana pafó di skol den unifòrm di práktika.

Si e alumno falta ku di e reglanan ariba menshoná tokante unifòrm, lo mand’é kas inmediatamente pa e koregí su unifòrm. Mayor ta keda responsabel pa kontrolá unifòrm promé ku yu sali kas.

2. Aparensia ta importante

- a. Kabei mester ta na òrdu i limpi.
- b. Pa motibu di seguridat no ta pèrmití bisti renchi mas grandi ku un florin.
- c. Uñanan mester ta limpi i di largura aseptabel.
- d. No ta pèrmití bin skol ku piercing visibel (lenga/ kara).
- g. No ta pèrmití bisti pèchi i/òf brel di solo den klas/ durante les.
- h. Tatuazje (tattoo) no tin mag di ta visibel.

3. Telefon selular

No ta pèrmití hasi uso di telefòn selular sin pèrmit di dosente/ Directie.

4. Opheto di balor

Skol no ta para responsabel pa ophetonan ku pèrdè manera telefòn selular, laptop, headphones/ asesorio, sèn i/òf aparatonan elektróniko.

5. Tas

- a. Buki di skol ta karu i p'esei ta eksihí un tas fuerte pa protehá nan.
- b. No ta pèrmití bin skol ku tas di paña.
- c. Ta pèrmití solamente tas di lomba ku zip. No ta pèrmití bin skol ku tas di lomba ku ta sera ku feter (pues ku tin ku hala e feter pa e tas sera).

Den kaso ku skol nota ku un tas no ta protehá e bukinan suficiente, lo tuma esakinan for di e alumno pa debolbé te ora e alumno bini ku un tas ku skol aprobá. Mayor ta keda responsabel pa kontrolá buki di skol di e yu. Si buki pèrdè òf kibra, mayor ta responsabel pa e gastu nan enbolbí.

6. Katolisismo

Maris Stella VSBO ta un skol ku ta kai bou di Direktiva di Skolnan Katóliko. No solamente durante lès di “godsdiens” e parti aki ta bin dilanti. Skol ta tene diferente aktivitat basá riba e parti katóliko kaminda nos ta siña nos alumnonan konosé i apresiá bida. Esaki ta enserá ku tur alumno di Maris Stella VSBO ta obligá na partisipá na e aktivitatnan aki.

7. Komportashon

Kada alumno mester komportá su mes ku rèspèt pa demas alumnonan i tambe adultonan.

Kada alumno mester komportá su mes durante periodo di stazje. Mester mostra rèspèt pa kolega i supervisor na e kompania di stazje. Na momentu ku alumno no tene su mes na regla di kompania di stazje, skol lo terminá e stazje i alumno ta haña “onvoldoende” pa stazje.

Aparte di puntonan menshoná den e dokumentu aki, skol lo sanshoná tur otro komportashon ku no ta aseptabel den skol.

Mayor(nan) ku firma e dokumentu aki ta bai di akuerdo ku e reglanan ariba menshoná i tambe eventual reglanan ku adishonalmente lo aparesé den e buki di informashon di skol.

Riba wepsait di Direktiva di Skolnan Katóliko (www.rkcs.org) por haña tur informashon di e fundashon bou di kua skol ta kai.

Alumno i mayor a lesa e reglanan aki i ta firma komo prueba ku ta di akuerdo ku nan.

Nòmber alumno:.....

Firma alumno:.....

Nòmber mayor:.....

Firma mayor:.....

Fechá: